



**L**ydorum regni principium fecit Ardisius siue ardis quidam grecus vir genere et animi magnitudi-  
 ne insignis. Octauo & quadragesimo regni Ozie anno lydus primus regnare cepit. Et regnauit te-  
 ste Eusebio annis. 26. Lydia vero minoris asie regio quam in parte nunc mozeam appellare dici-  
 mus. Et vt plinio placet libro quinto naturalis hystorie. prius Meonia dicebatur: sed postea a lydo Ardis  
 regis filio fratresq; Tyrreno lydia dicta fuit. Qui duo fratres propter regni breuitatem se simul ferre non  
 possent: Tyrrenus forte discedens in ytaliam venit. Eamq; partem que ad mare inferum versa est: quā eti-  
 am Tyrrenam a se nomiauit. Lydus vero illuc remanens meoniam a se lydiam vocauit. In qua fuerūt vr/  
 bes Ephesus. Colophon. Elazomene et phocca. Id tñ regnum haud multum insigne fuit: quod postea a  
 persis sub Cresio rege (qui chaldeis contra persas auxilium tulit) subuersum fuit. Hoc regnum ducentis et  
 triginta annis sub nouem regibus steterat. Quorum nomia et tempora hic apponimus.

Ardisius	1	añ. 36	Candaules	4	añ. 17.	Sadyates	7	añ. 15.
Aliaces	2	añ. 14.	Sigius	5	añ. 36.	Aliactes	8	añ. 49.
Adeles	3	añ. 12.	Ardis	6	añ. 37.	Cresus	9	añ. 15.

**O**lympias prima apud grecos quinquagesimo regni Ozie anno ex agone Gymnico instituta est a  
 captiuitate troye vsq; ad olimpiadem primam anni. 406. Aeschyli atheniensium iudicis secūdo  
 anno. prima olympias acta quod erat agon gymnicus in qua Chorebus helyensis extitit victor.  
 Hely agunt quinquēnale certamen quattuor annis in medio expletis. In quibus principes annui consti-  
 tuuntur quattuor quā Olympiadē ipbitus filius Praxonidis siue hemonis primus cōstituit. Quāq; alij  
 scribant q; hercules octauo Jair iudicis israel anno Olympia cum agone apud grecos ad honorem iouis  
 in Olympo mōte prim⁹ stituit qđ de qnquēnio i qnquēniū quattuor in medio ānis expletis fieri voluit.  
 A quo vsq; in presens tempus supputantur anni. 405. Greci aut quinquēnale certamē celebrare assueti eti-  
 am quattuor annuos principes in ludo et certamine illo constituentes tempus illud quattuor annoꝝ olym-  
 piadem appellauerunt. Quadriēnio sc; in vna olympiade supputato: hec nāq; festiuitates et ludi in quin-  
 quēnio semel fiebant. Ne si vltcrius protraherentur obliuioni darentur. Aut si citra fierent expensarum ni-  
 mietas grauaret. Olympias igitur quattuor plenos continebant annos. Et quidem sub centesima nona-  
 gesima tertia olympiade dominus noster iesus xps nasci voluit ab hoc tempore greca de temporib⁹ hystol-  
 ria vera creditur. Nam ante hoc vt cuiq; visum est diuersas sententias protulerunt.

### Spartanorum origo

**S**partanorum genus. et ipsum tempestate hac. Alcumene lacedeniorum rege mortuo. eorumq; regno  
 consumpto. hoc modo principium habuisse Justinus in tercio Epitomatum suozū refert. Lacedemo-  
 nios cōtra Messenos decennale bellum sumpserē. Qui post aliquot annos querelis vxozum et post tā lon-  
 gam viduitates reuocarentur. veriti ne hac pseuerantia belli spem prolis amitterent. Secreto statuerunt vt  
 virgines eozum cum iuuenibus domi relictis promiscue concuberent. maturiorem futuram conceptionem  
 rati. si eam singule per plures viros experirentur. Ex his nati ob notam materni pudoris spartani euocati  
 sunt. Qui cum ad annum trigessimū peruenissent metu inopie (nulli em̄ pater exitebat cuius in patrimo-  
 nium successio speraretur) Ducem phalantum assumunt filium Araci. Itaq; nec salutatis matribus quarū  
 adulterio infamiam collegisse videbantur. ad sedes requirendas proficiscuntur. diuq; per varios casus ia-  
 ctati. tandem in italiam deferuntur. Et oppugnata arce tharentinorum. expugnatis veteribus incolis. se-  
 dem sibi constituunt: Quozus postmodum amiciciam egiptij reges ac iudei summope quesierunt. vt libri  
 Machabeozum testantur. Sed post annos plurimos dux eozum Phalantus per seditionem in exilium p-  
 turbatus brundisium se contulit. quo expulsi veteres tarentini concesserant.